



**LAPORAN LIPUTAN MEDIA HARIAN**  
**ISNIN 4 DISEMBER 2023**

<b>BIL</b>	<b>TAJUK KERATAN AKHBAR</b>	<b>KEMENTERIAN / JABATAN / AGENSI</b>
1.	SIJIL HALAL MUDAHKAN PERNIAGAAN BERKEMBANG, RINGGIT, UM -23	KEMENTERIAN PERTANIAN DAN KETERJAMINAN MAKANAN (KPKM)
2.	ARCA JERAMI UNIK!, LOKAL, HM -23	LAIN-LAIN
3.	BANJIR: HARGA SAYUR NAIK RM1 HINGGA RM4kg, DALAM NEGERI, UM -34	
4.	HARGA SAYUR NAIK MUSIM BAH, NEGARA, KOSMO -16	
5.	LEPASKAN BENIH KETAM BAKAU, AKADEMIA, HM -36	

UKK KPKM

UNIT KOMUNIKASI KORPORAT  
KEMENTERIAN PERTANIAN DAN KETERJAMINAN MAKANAN  
(UNTUK EDARAN DALAMAN KPKM, JABATAN DAN AGENSI SAHAJA)

4/12/2023

UTUSAN  
MALAYSIA

RINGGIT

23

# Sijil Halal memudahkan perniagaan berkembang

**SEREMBAN:** Seorang usahawan produk makanan sejuk beku, Intaz Frozen, Shamsunizam Abu Bakar, 50 mengakui sijil Halal yang dimilikinya merupakan platform untuk memudahkan perniagaannya berkembang.

Beliau yang pernah bekerja dalam sektor perkilangan itu memulakan perniagaan kerana minat dalam pembuatan produk sejuk beku Intaz Frozen yang terletak di Jalan Station, Kuala Sawah, Rantau, Negeri Sembilan.

“Bermula perniagaan ini dengan modal sebanyak RM100,000 saya telah memohon sijil Halal bagi memulakan perniagaan yang dimulakan sejak 2020.

“Alhamdulillah, kini, sudah tiga tahun saya menjalankan perniagaan ini dan memiliki sijil halal sejak awal lagi. Saya mengangap sijil Halal ini penting dan satu platform memudahkan perniagaan saya



**SHAMSUNIZAM Abu Bakar menunjukkan produk sejuk beku, Intaz Frozen yang dijual di Karmival Industri Asas Tani di Seremban baru-baru ini. - ZAKKINA WATI AHMAD TARMIZI**

untuk terus diterima,” katanya ketika ditemui di Karmival Industri Asas Tani dan MyGap di Seremban baru-baru ini.

Jelasnya, keputusannya berhenti kerja dan memulakan

perniagaan sejuk beku memberi pulangan keuntungan yang baik dan mampu mencecah pendapatan RM30,000 hingga RM40,000 sebulan.

Dia yang mempunyai lima

orang kakitangan itu kini telah menghasilkan lapan jenis produk sejuk beku seperti karipap kambing, karipap daging, karipap sardin, karipap kentang, karipap ayam, pau goreng, donat serta tapai.

“Harga produk sejuk beku bermula daripada RM7.50 hingga RM10.50 itu menerima sambutan baik daripada pelanggan di seluruh Malaysia

“Saya juga turut menjual maruku dengan harga RM2.50. Sehingga kini, terdapat tujuh jenis perisa iaitu Lemaju, Mixture, Udang, ikan, bawang putih, bawang merah dan ayam,” katanya.

Jelasnya, kini, produk sejuk beku dan muruku tersebut sudah memasuki lima buah stesen minyak di lima buah negeri.

“Alhamdulillah saya bersyukur dengan adanya sijil Halal produk sejuk beku ini diterima di stesen minyak terpilih yang berminat untuk memasarkan produk ini.

“Selain itu, produk ini juga telah memasuki pasaran di Singapura,” katanya produk sejuk beku telah dihantar untuk penyelidikan dan pembangunan (R&D) di Institut Penyelidikan dan Kemajuan Pertanian Malaysia (MARDI).

Dalam pada itu, Pengarah Jabatan Hal Ehwal Agama Negeri Sembilan (JHEANS), Datuk Mohd. Zaidi Ramli ketika dihubungi *Utusan Malaysia* memberitahu, sehingga kini, terdapat sebanyak 615 produk makanan yang mempunyai pensijilan halal di Negeri Sembilan.

“Untuk kesetruhan, sebanyak 825 sijil halal aktif yang melibatkan semua skim permohonan antaranya produk makanan dan minuman 74-5 peratus, premis makanan 9-7 peratus, pengilangan kontrak 7-2 peratus, kosmetik dan dadaran diri 2-4 peratus, 3-8 peratus baranggunaan, 2-3 peratus rumah sembelih dan 0-1 peratus farmaseutikal,” katanya.

TARIKH

4/12/2023

MEDIA

HARIAN  
METRO

RUANGAN

LOKAL

MUKA  
SURAT

23

Harian Metro | Isnin 04.12.2023

 @hmetromy  HarianMetro  @hmetromy  www.hmetro.com.my

23

Argemba  
**lokal**

# ARCA JERAMI UNIK!



KANAK-KANAK melihat arca jerami yang dipamerkan pada Karnival D'Bendang Melaka di Kampung Parit Putat Benteng, Sungai Rambai, Jasin, Melaka. Karnival tiga hari diadakan bagi mempromosi agropelancongan turut menampilkan pelbagai acara menarik seperti pesta layang-layang, sukan tradisional, gagau ikan, memancing ikan puyu, ratu bendang dan lain-lain.

4/12/2023

UTUSAN

DALAM

34

MALAYSIA

NEGERI

# Banjir: Harga sayur naik RM1 hingga RM4kg

**KUALA NERUS:** Gelombang pertama banjir yang melanda Terengganu menyebabkan harga beberapa jenis sayur di daerah ini naik antara RM1 sehingga RM4 sekilogram pada minggu ini.

Tinjauan di pasar awam mendapati timun batang naik daripada RM3 kepada RM4 sekilogram (kg) manakala cili merah daripada RM12.50 kepada RM14.50/kg.

Selain itu, turut mengalami kenaikan adalah harga tomato iaitu RM5 berbanding RM3.90/kg pada minggu lalu serta terung panjang daripada RM4 kepada RM8/kg.

Seorang peniaga, Fazuni Abd.

Rashid, 54, mendakwa, kenaikan harga itu berpunca bencana banjir yang memberi kesan kepada tanaman petani tempatan di negeri itu.

“Bekalan diterima banyak daripada petani di kawasan kampung dan ada antara mereka yang terjejas dengan banjir, jadi akan berlaku kenaikan harga tetapi tidak terlalu tinggi.

“Jika dua minggu lalu saya boleh membeli seguni timun 10kg pada harga RM25, kini sudah naik RM5 kepada RM30 disebabkan banjir yang melanda beberapa kawasan.

“Namun harga masih terkawal dan apa yang meresahkan adalah sambutan hambar daripada pengguna,” katanya yang ditemui di Pasar Batu Enam, di sini semalam.

Sementara itu seorang lagi peniaga, Siti Khatijah Yusman, 44, berkata, harga sayur dijangka meningkat jika berlaku gelombang banjir yang berikutnya sehingga Disember.

Menurut wanita itu, banjir yang melanda pada 2022 pernah menyebabkan harga beberapa jenis sayur naik lebih 100 peratus dan perkara itu tidak musta-

hil berulang.

“Ketika ini kenaikan tidak membebankan pengguna dan peniaga antaranya kacang panjang dan lengkuas daripada RM5 minggu lalu kepada RM7/kg.

“Penghujung tahun lalu, ketika banjir besar melanda, harga kobis pernah naik lebih sekali ganda sehingga RM15/kg daripada RM7 tetapi hari ini cuma berharga RM5/kg.

“Harga ini biasanya melibatkan sayur yang dibekalkan permintaan atau petani tempatan terutama dari dalam Terengganu dan Cameron Highland,” tambahnya.

Bencana banjir beri kesan terhadap tanaman petani tempatan

## Harga sayur naik musim bah

Oleh **TENGGU DANISH BAHRI**  
**TENGGU YUSOFF**

**KUALA NERUS** – Gelombang pertama banjir Monsun Timur Laut yang melanda Terengganu sejak dua minggu lalu telah mendorong kenaikan harga beberapa jenis sayur di daerah dan bandar raya Kuala Terengganu antara RM1 sehingga RM4 sekilogram.

Tinjauan Kosmo! di beberapa pasar di kedua-dua daerah semalam mendapati harga timun naik daripada RM3 kepada RM4 sekilogram (kg), manakala cili merah pula kini berharga RM14.50/kg daripada RM12.50/kg.

Selain itu, harga tomat turut mengalami kenaikan iaitu RM5 berbanding RM3.90/kg pada minggu lalu selain terung dari pada RM4 kepada RM8/kg.

Seorang peniaga, Fazumi Abd. Rashid, 54, mendakwa, kenaikan harga itu berpunca daripada bencana banjir yang telah memberi kesan terhadap tanaman petani tempatan.

Dia berkata, ramai petani tempatan terjejas akibat banjir yang melanda Terengganu sejak dua minggu lalu.

"Begitu pun kenaikan harga ini tidaklah terlalu tinggi berbanding lonjakan mendadak akibat banjir besar yang pernah berlaku pada tahun lalu.

"Biarpun begitu, jualan sayur saya mulai merosot mendadak sejak awal minggu ini mungkin di-



**FAZUMI** menyusun sayur-sayuran di gerai perniagaannya di Pasar Batu Enam, Kuala Nerus semalam.

sebabkan kenaikan harga tersebut," katanya ketika ditemui di Pasar Batu Enam di sini semalam.

Seorang lagi peniaga, Siti Khatijah Yusman, 44, pula risau harga sayur akan semakin melambung sekiranya gelombang baharu banjir berlaku tidak lama lagi.

Dia berkata, senario harga sa-

yeur mengalami kenaikan lebih 100 peratus berikutan banjir besar pada tahun lalu tidak mustahil berulang sekiranya bencana berulang semula sepanjang musim tengkujuh ini.

"Pada penghujung tahun lalu, harga kobis pernah melonjak sehingga RM15/kg daripada RM5/kg.

"Pada waktu ini walaupun berlaku kenaikan ekoran banjir gelombang pertama, harga kobis masih stabil iaitu cuma RM5/kg," katanya.

Siti Khatijah berkata, selain petani tempatan, bekalan sayur juga diperolehi dari Cameron Highlands.

# LEPASKAN BENIH KETAM BAKAU

Oleh **Sulisti Asri**  
sulisti@hmetro.com.my

Bagi memulihkan dan mengekalkan populasi ketam bakau di perairan Sabah, Universiti Malaysia Sabah (UMS) menjalankan inisiatif pemuliharaan ekosistem marin melalui program pelepasan ketam bakau (Seylla tranquebarica) baru-baru ini.

Timbalan Pengarah Institut Penyelidikan Marin Borneo (IPMB) Dr. Mohamad Tamrin Lal berkata, melalui program terabit UMS menunjukkan komitmen tinggi dalam usaha memelihara biodiversiti ekosistem pantai di Malaysia serta menyokong kepada pengurusan sumber marin yang lebih mampan.

Menurutnya, program pelepasan ketam bakau yang dimulakan UMS pada 2015 adalah susulan daripada kejayaan pihak Hatceri Krustasia IPMB menjalankan pembenihan ketam bakau.

"Sejak 2018 hingga tahun lalu, 45,000 benih ketam bakau berjaya dilepaskan di Tuaran, Kuala Penyu dan Kota Marudu.

"Manakala pada tahun ini, hampir 3,000 benih sudah dilepaskan di Kota

Inisiatif UMS tingkat usaha pemuliharaan biodiversiti ekosistem marin



PENYELIDIK UMS DR. ANITA dan Dr. Audrey melepaskan benih ketam bakau di Kota Kinabalu Wetland

Kinabalu Wetland (Ramsar Site) pada Ogos lalu.

"Aktiviti ini membabitkan pendekatan komprehensif yang menyepadukan penyelidikan saintifik, pembabitkan komuniti dan pemantauan jangka panjang," katanya.

Dr. Mohamad Tamrin

berkata, penyelidik di Hatceri Krustasia IPMB juga berusaha menjalankan penyelidikan lebih

meluas bagi mengenal pasti lokasi sesuai untuk penanaman semula ketam bakau ke habitat asal dengan mengambil kira faktor seperti kualiti air, komposisi sedimen dan

ketersediaan sumber makanan semua jati.

"Dengan memanfaatkan kepakaran sedia ada, penyelidik UMS dapat memastikan benih ketam bakau yang dilepaskan mempunyai pelbagai terbitan untuk hidup dan berjaya menyesuaikan diri dengan persekitaran

baharu," katanya.

Dr. Mohamad Tamrin berkata, penyertaan dan pendidikan masyarakat juga adalah komponen utama program pelepasan benih ketam bakau menerusi kerjasama UMS dengan komuniti tempatan, nelayan dan pihak berkepentingan

yang berkaitan untuk meningkatkan kesedaran mengenai pemuliharaan ketam bakau yang mampan.

"Menerusi pembabitkan masyarakat setempat dalam usaha pemuliharaan, UMS yakin dapat memupuk rasa kebertanggungjawab di samping menggalakkan komitmen kolektif untuk memelihara ekosistem pantai untuk generasi akan datang," katanya.

IPMB UMS juga dapat membangunkan protokol pemantauan dan penilaian jangka panjang yang membolehkan penilaian keberkesanan dan impak program terhadap populasi ketam bakau tempatan dan persekitaran marin.

"Menerusi kerjasama Kota Kinabalu Wetland (Ramsar Site), UMS juga akan memperhalusi strategi mendalami dinamik populasi dan kesihatan ekosistem ketam bakau di Sabah.

"Program ini akan menjadi model untuk kerjasama yang berkesan antara ahli akademik, pihak badan bukan kerajaan dan komuniti setempat dalam aktiviti pemuliharaan dengan pendekatan holistik dalam melindungi biodiversiti marin," katanya.